



20. januar 2023

Siverth K. Heilmann

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Piniarneq aallaaniarnerlu pillugit Inatsisartut inatsisaat nr. xx, xx. xxx 2019-imeersoq, ulloq 04. oktober 2019 Inatsisartuni siullermeerneqarpoq aappassaaneerneqarnissaa pingajussaaneerneqarnissaalu kinguartinneqarnikuuvoq, Naalakkersuisut suliap inaarsarnissaanut inatsisartunut saqqummiussiniarnersut?**
- 2. Aalisarnermut inatsisaasup nutarsarneqarnissaanut atatillugu, qaqugu Naalakkersuisut inatsisartunut saqqummiussaqaarniarpat.**

(Inatsisartunut ilaasortaq: Siverth K. Heilmann, Atassut)

Tungavilersuut

Inatsisartut Naalakkersuisullu sulineranni pisussaaffeqarpugut, inatsisartunut saqqummiunneqarsimasut inaarsarneqarnissaannut aamma qulaani piniarneq aallaaniarnerlu pillugit inatsisartut inatsisissaat 04. oktober 2019-imi saqqummiunneqarmat partiinit isummorsorfigaarput. Atassummiit suliap siullermeerneqarnerani ersarissumik isummersimanerput ataatsimiititaliamilu nalilersuilluartoqarnissaanik tikkuakkagut ilanngullugit oqaaseqaatigisimasagut innersuussutiginnassavakka.

Aappaatut aalisarneq pillugu ataatsimiititaliarsuup sulisimanera aamma soorunami inatsisartuni nalilersorneqarluni inaarsarneqarnissaa oqariartuutigisarpaput, pisariaqavipporlumi aalisarnermi inatsisitta naleqqussarnissaa.

Neriuppunga apeqquteqaatigisama ullut suliffiusut qulit iluanni akineqarumaarlunga.